

Potpisan Sporazum o studiji o ekonomskoj opravdanosti brčanske luke

Supervizor za Brčko i zamjenik Visokog Predstavnika Robert V. Farand i američki regionalni komercijalni referent Patrick Hughes potpisali su danas sporazum o iniciranju studije o ekonomskoj opravdanosti brčanske luke.

Ovaj sporazum konstituira prvi korak u procesu davanja ponuda za ugovore za firme iz SAD-a da provedu ovu studiju. Sporazum ovlašćuje američku agenciju za trgovinu i razvoj (USTDA) da potaknu davanje ponuda od strane zainteresovanih firmi. Po prijemu svih ponuda, USTDA će ih proslijediti OHR-u koji će biti odgovoran za odabir izvođača. Opština Brčko će takođe učestvovati u procesu odabira. Očekuje se da će biti potrebno 6 mjeseci da se kompletira studija.

Gradonačelnik Brčkog Siniša Kisić, upravnik luke Brčko Mladen Zonić i politički oficir američke ambasade Daniel Rea su takođe učestvovali u ceremoniji potpisivanja, zajedno sa šefom odjeljenja za rekonstrukciju i ekonomski razvoj OHR-Sjever Jessi Bunch-om i ekonomskim savjetnikom OHR-Sjever Brooke Allen-om.